

4 ноябрьште
Марий йоча кугу хор
концертм ончыкта.
Удыр-рвезе-влак
Всемарийский йоча духовой
оркестрын шоктымыш почеш
мурат. Оркестрыште 70 наре
самырык музыкант шокта.

С.Г.Чавайн
лүмеш националь-
ный библиотеке-
те Калык-влакын
сылнымут залышт
почылтын.

Йоча
гоштер-
рүдерын
кок пачашыже историй да
археологий экспозиций дене
пайдаралтын. Тудо эрла тор-
жественно почылтеш.

Республикысе изо-
бразительный искусство
музей «Край марийский»
выставкыш ўжеш.


1-3 ноябрьште Йошкар-
Олаште да Звениговошто
ильше-влак венгр кином онченит. Венгр кинофестиваль
«По следам предков» фестиваль годым эртен.

Шыже каникул
вашеш Марий Элысе
Общероссийский
калык фронтын акти-
вистше-влак ГИБДД
пашаен-влак дене
пырля Йошкар-Олаше
23-шо №-ан школыш-
то да Бауман лицей-
ыште лийыныт.

Йоча-влак корнысо
правил-влакым шар-
налтеныт, шинчымаш-
шыштым тергеныт,
светоотражательын күлешлыкше нерген
пален налыныт. Пычкемышыште вол-
галтше пленкым, фетрым кучылтын, шке гыч
шонымо почеш фликерым ыштеныт.

«Кажне енын светоотражающий элементше лиеш гын, кор-
нышто лийше ятыр туткар деч корангын кертына», – палемден
Марий Элысе ОНФ-н экспертше Валерий Ершов.

О.КУЗЬМИНА.



Акций

Вашлиймаш
ОНФ-н «Школыш
корно» акций кышка-
рыште эртен.



25 октябрь гыч 11 ноябрь
марте Марий Элыште
ГИБДД пашаен-влак
«Лудыкшыдымө каникул»
профилактике мероприя-
тийым эртарат.

Кум мутмастар лүмеш


Районыштына «Данилов лудмаш» конкурс эртыш. Тудо пи-
сатель землякна-влак Б.Данилов, В.Иванов да В.Сапаев лүмеш
пөлеклалтын. Мемнан
школ гыч нылытын мий-
ышна. Конкурс-лан
Л.Н.Веденькина ямдылен.
7-8-ше классла коклаште
мый Борис Даниловын
«Колызо» почеламутшым
лудмо дене икымше
верым налым. Эн пи-
лан улмемым шижым.
Мөнгө миен, ачам ден
авам куандарышым.

Максим ИВАНОВ.
У Торъял, Кузнеч.



Историйым шергалына

1941
ий 7 ноябрьште Москваште
Йошкар площадьште Кугу
Октябрь социалистический
революцийлан 24 ий теммы-
лан пөлеклалтше военный
парад лийын. Тунам Москва
верч тале кредалмаш каен.
Военный парад армийын,
чумыр элын көргө вий-куат-
шым нөлталын, да Москвам
сенаш ок лий манын, уло
түнялан палдарен. Ты кечын
тыгаяк парад Воронежыште,
Куйбышевыште эртен.



4
ноябрьште
Российыште
«Сымыктыш йүд-2018»
тұвыра акций эрта.
Марий Элыште «Сымыктыш
уша» ўжмаш дене лиеш.
Гоштерлаште выставкым
ончаш, мастер-клас-
слашке ушнаш
темлат.

Орол,
Олорым ороло.
(Лисылудыш.)

14-
18 ноябрьште
Йошкар-Олаште
Финн-угор театр-вла-
кын «Майатул» XII түням-
бал фестивальышт эрта.
Тушко Карелий, Коми,
Одо, Мордва Респуб-
лика, Хант-Манси
автоном округ гыч
театр-влак
толыт.

Шоңгыкын
мутшо уто ок лий.

Ийготыш
шудымо йоча-
влаклан
Волжскысо соци-
ально-реабилита-
ционный рүдер
кумдыкышто
Йоча аллеийм
почмо.



Волонтёрын (Добровольцын) идалыкше мучашке лишемеш, но поро кумылым ончыктышо паша нимучашдыме. Икте-васылан полшаш, шонгыен-влаклан поро кумылым пӧлеклаш кажне кечын лишеш. Ты пашашке самырык тукумым ушман. Лач тыгай шонымаш дене Волонтёрын идалыкше эрта.

Волонтёр паша сенгымашке шуаш да эсогыл пашаверым муаш полша. Теве Анастасия Березинам (снимкыште) налаш. Икмыняр ий ончыч тудо Марий Элын эн тун волонтержылан шотлалтын. Анастасия 2-шо номеран Кужэнгер школым шортньӧ медаль дене тунем пытарен. Йочаж



волонтёр паша дене палыме лийынам, – ойла Настя. – Студент улмем годым всероссийский конкурсышто танасенам да Российын сборный волонтёр командышкыже логалынам. Тыге 2010 ийыште Ванкуверыште эртыше Паралимпийский модмаште лийынам. Тиде модмаш деч вара Владимир Владимирович Путинлан (тунам премьер-министр лийын) Российын сборный волонтёр команде лум дене Канадысе опытна нерген каласкаленам. Тунамак шке ончылнем цельым

ЙОЧА УШЕМ КОРНЫМ ПОЧЫН

годым книга лудаш пеш йӧратен. Аваж ден ачаже пӧлек олмеш коклан оксам кучыктеныт, а Настя, книга кевытыш каен, энциклопедийым, методике материалым наледен. Руш да англичан йылмыла, историй дене олимпиадыште уш-акылжым терген.

– Йоча пагытым, школ илышым порын шарналтем, – ойла Настя. – Кеч мыланем пеш вашке кугу лияш логалын: 11 ияшем годым шольым дене ача деч посна кодынна. Авадан сурт коклаште полышкалаш кӱлын: кенгежым шудым ямдылаш, вольыкым кӱташ, емыж-ыскакам погаш. Жап эртымеке умылем, паша койыш-шоктышем шуарен, кеч-молан мутым кучаш, илаш тунуктен.

Настян лидер койышыжо йочаж годымак палдырнен, «Эр вий» СДПО-н эртарыме тӱрлӧ конкурсышто танасен. Финн-угор лагерьыште эртыше «XXI курымын лидерже» республикысе конкурслан кызитат таушта. Тунам тудо сенгышыш лектын огыл, но чоныштыжо шочмо марий калык дене кугешнымаш ылыжын. Настя ятыр ий ты лагерьыште вожатыйлан ыштен.

– «Эр вий» СДПО-н эртарыме «Любимому озеру – чистые берега» экологий акцияшты

Анастасия Березинам тыланымашыже: «Йоча да самырык пагыт – эн сӧрал жап. Кызыт тендан ум пален налаш шуко йӧнда уло. Тидым кучылтса. Жапым арам ида эртаре! Йот йылмым кумылын тунемза! Тудо у кӱкшытыш, сенгымашыш шуаш полша. Сылне марий кундемна да марий калыкна нерген тӱнямбалсе ятыр калык пален налже ыле, манын шонем».

шынденам: 2014 ийыште Сочисе Олимпиаде модмашым ямдылыме пашашке ушнаш. Но ындыжым волонтёр семын огыл, а Оргкомитетын пашаенже семын. Тыгак лийын. Тыге мый тӱнямбал спорт менеджер семын пашам ышташ тӱнгалым. Йот эллашке эксперт семынат ужныт. Пытартыш проект – Футбол дене тӱнямбал чемпионат. Волонтёр паша мыланем йӧратыме професийым муаш полшен.

Анастасия Березина кызыт Марий кундем деч ӧрдыжтӧ пашам ышта, но Марий Элым ок мондо. Тений «Тыныслыкыште да келшымаште илаш тунемына!» финн-угор лагерьым эртараш полшен. «Тиде мыйын порысем, – манеш тудо. – «Эр вий» СДПО да тудым вуйлатыше Маргарита Малановалан кӧра мый шочмо кундемем, марий калыкем пагалаш тунемынам. Нунылан таум ойлем».

Л.ГРИГОРЬЕВА.



Шыже бал

23 октябрыште школыштына «Шыже бал» лие. Ме уло класс дене ямдылалтынна. Авана-влак мотор тувырым ургеныт. Класс вуйлатыше дене пырля пырдыжгазетым луктынна. Балыште онгай деч онгай конкурслак лийыныт. Ме уло кумылын модынна, муренна, почеламутым лудынна.

Катя ЯКОВЛЕВА, 3-шо класс.
Шернур, Марисола.

Финн-угор калыкмут

Шошым ик кечылан вараш кодын удет гын, шыжым ик арнялан вараш тӱредаш перна. (Воль.)

Шыжым ик чӱчалтыш йӱржат лаке лавырам ышта. (Карел.)



Ший вўдан кундемем

Йоча да самырык-влаклан В.Х.Колумб лўмеш библиотекеште почеламутым сылнын лудмо республикысе конкурс эртыш. Тангасымаш Марий Элын шочмо кечыжлан, марий мландыште тўрлө калыкын ваш келшен илымыштлан пөлеклалте. Ёдыр-рвезе-влак, чодыран да ший вўдан кундемнам моктен, почеламут-влакым йонгалтарышт. Рушла лудшо-влак коклаште **Даша Казанкина** (28-ше №-ан лицей), **Настя Калинина** (6-шо №-ан шк.), **Настя Иванова** (23-шо №-ан шк.) сенгышыш лектыч. Кумытынат Йошкар-Ола гыч улыт. 2-шо номеран Морко школын тунемшыже **Таня Тимофеева**, 6-шо номеран Морко школ гыч **Элла Ефимова**, Национальный президент школ-интернатыште тунемше **Ульяна Романова** марий йылме дене лудмаште ойыртемалтыч. Снимкыште сенгыше-влакым жюрин енге-шамыч дене пырля ужда.



Авторын фотожо.

4 ноябрь – Марий автономный обла-
стым ыштыме нерген декретым лукмо кече



Л.ГРИГОРЬЕВА.

Каласыза,
мемнан республикыште могай:

- Х эн кугу район;
- Х Йошкар-Ола деч эн мўндыр район рўдө;
- Х эн кужу энер;
- Х эн яндар ер;



Тау, шыже!

Шочмо кундемышкем поян шыже толын шуо. Ял калык шурным поген налын, пасум кылмаш курал пыштен. Телым вашлияш ямдылалтеш. Тау тыланет, шыже! Йöратем мый шочмо кундемем! Тыште кечыжат шыманрак ончалеш. Каважат яндаррак, пушенгыжат ужаргырак, пеледышыжат чеверрак, калыкшат порырак!

Юлия
ИВАНОВА.

Кужэгер,
Шорсола.

Легенде



Александра МАМАЕВАН сўретше.
Шернур, Марисола.

Маска памаш

Ший вўдан памаш лўмжым шукерте ожно налын, кызытат тиде лўм денак палыме. Ожно тушко маска вўдым йўаш волен. Садлан памашым Маска памаш маныт. Тудын вўдым йўаш сай огыл, маныт: логар коршташ тўналеш але йўк йомын кертеш.

Олеся ВОЙКИНА.

Шернур, Эшполдино.



Токсар

Токсар ял Морко кундемыште верланен. Кызыт тудо йыр ялын ик уремжылан шотлалтеш. Ожно Токсар ял Ломбо корем воктене верланен улмаш. Эн тўр сурт – Токсанай ешын. Тиде ешын кушкын шогалше мотор ўдырышт лийын. Икана ўдыр'ен, модмаш гыч пöр-тылмеке, левашыште тулым ужын. Тушто йот ег-влак ушкалыштым шўшкылыт улмаш. Лўддымö ўдыр левашышке пурен. Осал чонан ег-влак ўдырым пуштыныт да шўшкылмö ушкал коваштеш пўтырен коденыт. Ача-ава тыгай ойгым чытен кертын огытыл. «Тыште илыш уке, тек тиде ял каргыме лиеш» манын, суртым коден лектын каеныт.

Анастасия МИХАЙЛОВА.
Морко, Шўргыял.

Токсанай еш
лўмеш ялым Токсар
манын лўмденыт.





Кызыт йоча-влак шуко жапым компьютер воктене але телефоним темдыштын эртарат. Йошкар-Олаште илыше кидмастар Э.В.Рамазанова **(снимкыште)** икшыве-влакым тиде уда койыш деч кеч изишлан коранда. Ёдыр-рвезе-влакым сылнылыкым умылаш да шке кид дене моторлыкым шочыкташ туныкта. 2013 ий гыч «Вдохновение» усталык рўдерым вуйлата. Тушко йоча-влак веле огыл, кугыен-шамычат коштыт. Эльвира Васильевна полимерный шун, фоамиран гыч пеледышым, сōрастарыме ўзгарым, тўрлō арверым ышташ туныкта. Шун але шинчалан руаш гыч ненчаш кумылан-влаклан мастер-классым эртарат.

Моторлыкым умылаш туныкта

– Мыйым кидпашалан Шернур район Кугу Пўнчер ялыште илыше Ульяна ковам (аваже велым – авт.) кумылан ден, – ойла Э.В.Рамазанова. – Вич ияш улмем годымак ургаш тўналынам. Ачамат, авамат сўретче улыт. Мыйат изинек сўретлаш йōратенам. Сандене Йошкар-Оласе 1-ше номеран интернат-школьшко тунемаш колтеныт. Вара шинчымашем Йошкар-Оласе художественный училищыште нōлтенам.

Кызыт Эльвира Васильевна, 3-4 еган тўш-

кам чумырен, пашам ышта. Кажне енын кумылжым шижын шукташ вашка, кажнын кид лывыргылыкшым терга, ой-кагашым пуа, полша. «Йочан кумылжым эре нōлтыман, мокталташ мондыман огыл, – ойла уста кидмастар. – Моторлыкым ужын мошташ туныктыман. Тунам паша лектыш куандара. Тўрлō конкурсышто сенымеке, йоча-влакше кузе йывыртат, шинчашт йўла веле! Тугеже нуно ончыкыжымат кидпашалан шўман лийыт». Э.В.Рамазанова тыматле койыш-шоктышыжо, поро кумылжо, тале кидмастар улмыж дене кеч-кōн шўм-чонжым савыра. Тыгак усталык рўдержын лўмжат кумылым нōлта, тушко миен ончалаш ўжеш.

Л.ГРИГОРЬЕВА.

Увер

Пўсō пероан писатель

Марий сълнымутын классикше Я.П.Майоров-Шкетанын шочмыжлан 120 ий темме лўмеш 30 октябрьыште Оршанке район Тошто Крешыныште пайрем эртен. Писательын лўмгечыже вашеш музей-пōртшым у экспозиций дене уэмденыт.

Ты кечынак Тошто Крешыныште Кидмастар-влакын пōртыштым торжественно почыныт. Вуйлатыме пашам кидмастар Виталий Кудрявцев шукташ тўналеш.

Тоштерыште Шкетанын ўстелжым, пўкенжым, портфельжым, книгаже-влакым верандыме. Писатель-драматург нерген кино да тудын произведенийже негызеш шындыме спектакль-влакым ончаш лиеш.

Пелед, тўзлане

26 октябрьыште Сенгымашын ХХХ идалыкше лўмеш тўвыра полатыште Марий Элын 100 ияш лўмгечыжлан пōлеклалтше «Пелед, тўзлане, марий кундемем!» лўман кугу концерт эртыш. Мыланемат «Мурсескем» ансамбль дене кугу сценыш лекташ пиал шыргыжале. Ме, шуркам упшалын, куштымашым ончыктышна. Кумыл моткочак кўшнō лийын, а изам дене пырля сценыште кушталташ эшеат чот келшыш.



Виктория МАМАЕВА. Кужэгер, Кугу Рееж.

Ш	О	Р	Ы	К	Й	О	Л
Ы	Ж	А	Г	Ы	Л	М	Е
О	Р	Л	А	А	Т	Е	Л
С	И	Д	Ы	М	С	У	Р
В	Ў	Д	Ш	О	Р	П	Е
П	Е	Л	Е	Д	Ы	У	М
А	Ц	Е	С	П	Ш	Р	Ж
И	Ч	Т	М	Т	И	Г	Ы

Идалыкше тылзе-влакын марла лўмыштым кычал муза. Маша ИСАЕВА.

Волжский, Пōгъял.



Марий кундем! О шочмо вер!
Пеледше олык, ош куэр...
Пасу сай шурно ден шōртнянын.
Пашаче, мурызо, чевер,
Тый кечын тўзланет улавын,
Марий кундем! О шочмо вер!
Б.ДАЧИЛОВ.



Акаже улам вет!

Мыйын йодыш лектеш: молан изи йоча-влак тыгай онгай улыт? Тиде йодыш вуйыштем шольым шочмеке шочын. Артёмлан 1 ий да 8 тылзе темын. Кызыт Артём кутыраш тунемеш. Школьш кайыдем годым мыйым ончен кодеш. Тудо Тесла пырыснам пеш йората. Моло икшыве семынак изи шольым уремыште коштеш да пошкудо йоча-влак дене модеш. Мый тудым йоратем, арален налап. Вет мый акаже улам.

Аня САНДАКОВА.
Шернур,
Лажъял.



Кенжежым күтүштө

Кочам вольыкым покташ куд шагат эрдене лекте. Корем сер дене поктен, Нуръял ял деке толын шуо. Вольык кочкын теммеке канаш возо. Кечывал лишан ме ковам дене кочамлан кочкаш нангайышна. Вольыкым эскераш пеш онгай. Нунынат шке йолташышт, ешышт уло, йоратенат моштат. Нунат вурседылыт, кычкырат, кучедалыт. Кече шичмеке, мөнгө шонен-шонен ошкылым.

Сева НИКИТИН.
Кужэгер, Шүдымарий.

Эрвел төрза

1-ше вер!

Буймо кыдалаш школышто «Ме Чавайн тукым улына» мероприятий эртаралте. 1-4-ше классла коклаште С.Г.Чавайнын йоча-влаклан пөлеклыме почеламутшо-влакым наизусть сылнын каласкалыме конкурс лие. Мый икымше верым налым! Пеш куанышым! Йолташем-влак:

Инга Ишимова ден Влада Шамеева – кокымшо ден кумшо верыш лектыч. Мемнам школ директор саламлыш. Шкенан Пелемеш тўналгыш школыш грамот дене толна.

Дарина ШАМЕЕВА, 1-ше класс.
Татарстан, Агрыз, Пелемеш.



Шүжарем дене.

Шүжарем

Мыйын уло шүжарем – Йоратем да чаманем. Тудын лўмжө – Ульяна, Моткоч кожмак, весела. Кызыт Уля кок ияш, Вуйым йората шияш. Тудо мыйым йората, Южгунам сырен колта.
Настя КУЗНЕЦОВА.
У Торъял, Немда.

Фото: еш архив гыч.

– Комбайн дене кө коштеш? – сўретым нўлталын, туныктышо йодеш.

Йоча-влак шып шинчат.
– Комбайнер... А машина дене коштшо еным кузе маныт? – туныктышо уэш йодеш.



– Машинер! – рўж вашештышт йоча-влак.

«Сай

Мутмодыш

пеледыш георгин!» –

Моктанале **Регин.**

«Туддеч сылне роза», –
Куанен пелештыш **Роза.**

«Куш тыге кает, **Веруш?** –
Йодде ыш чыте **Колюш.**
«Керек-кушко каеда –
Мыят миём», –
манеш **Люда.**
Л.СОШИН.



Йолташ полша

Мыйын шуко-шуко йолташем уло. Но эн сайже – Маша. Машук дене ме йочасад годсек келшена, ик ял гычак улына. Эн ондак тудо Энерўмбалне илен, а кызыт – Кугорнымбалне. Маша шуко икшыван ешыште ила: вич йоча уло. Ешыже поро, сай.

Катя РАССАНОВА.



Йолташем, Лера, кугу-шамычлан полша, изи-влакым чамана. Уремыште пырысым але пинегым ужеш гын, кўсенже гыч иктаж-мом луктын пуа: кинде шултышым, тамле мўгиндым.
– Ветеринар лиям, – манеш Лера. – Вара пийым, пырысым эмлаш тўналам.

Ангелина ОГНЕВА.
Морко, Коркатово.

Капкам оролем

Мый футболла куд ияш гыч модам. Йолташ-влак дене погынен, кажне кечын мечым чумен куржталына. Мыланем капкаште шогаш утларак келша. Футболла модмо годым правильым сайын палыман.



Кырет гынат – ок сыре, куанен веле тўршталта.
Тушто.

Мый книгаште лудам. «Угол», «руки», «йошкар карте, нарынче карте» мом ончыктымым пален налынам. «Радуга», «колелно» да эше моло тўрлө йоным кучылтын, мечым чумаш тунемынам. Йол дене 8 гана, пулвуй дене 10 гана чумен кертам, а кид дене 21 гана перем.

Ваня ГОРОХОВ.
Советский,
Кельмаксола.

КОНКУРС!



Настя ДАНИЛОВА.
Провой, Кожласола.



Алина ЧЕРНЯЕВА
У Торъял,
Шемермучаш.



Лиза БАЙГУЗИНА.
Пошкырт, Нуриман,
Кугу Шеле.


«Шыжымсе йомак»



Валерия ЧЕРНЯЕВА.
У Торъял,
Шемермучаш.



Валерия
КОНСТАНТИНОВА.
Морко посёлко.



Валерия
КИРИЛЛОВА.
Морко, Кораксола.



Венера КИРИЛЛОВА,
Ярослав ГАВРИЛОВ.
Морко, Кораксола.

Анна ИВАНОВА.
Морко,
Кугу Шале.



Софья СЕНЬКИНА.
Морко, Октябрьский.



Саша МАЛЮШКИНА,
Маша СОКОЛОВА.
Медведево, Новый.

Чыла фото-влакым https://vk.com/yamde_lii группышто ужын кертыда. Сенгышын думжым вес номерыште муыда.



Миша
ВИНОГОРОВ.
Провой,
Кожласола.



Матвей ЕРМАКОВ.
Йошкар-Ола.



Игор НИКОЛАЕВ,
Максим ВАСИЛЬЕВ.
Морко, Кораксола.

Вес конкурсыш ушныыз! Условийже – 8-ше лаштыкыште.



Алёна РЫБАКОВА.
Куженер, Конганур.

Пүртүс канынеже

Шыже түрлө лиш. Коклан чучеш, пуйто шыже лач ньога-влаккан толын. Пушенге-влак пеш сылне түсан улыт. Шопке йошкар тувырым чиен, ваштар – шöртнö сывыным. Лышташ-влакше могай гына түсан огытыл: нарынче, ужарге, йошкарге... Нуно түшкан-түшкан, шкет-шкет мландымбаке йогат. Чевер кечын вийже иземын, йöршеш ок ырыкте. Пүртүс каналташ ямдылалтеш.

Максим СТЕПАНОВ.

Морко, Арын.



Яра верыш мом сүретледа?



Шоншылан
14 понгым погман.
Тудлан кузе тидым
ышташ – түрлө кор-
ным ончыкто.

**101 шоньмо числа деч 6 пачаш
изи. Могай числам шоньмо?**



10 ойыртемем му.

КОНКУРС!

«Школ формым чиенам»

Кызыт ятыр школыш-то школ формо уло – тидым закон йодеш. Тендан школышто йоча-влак могай формым чиен коштыт? Мотор тувыретым, сарафанетым, костюметым чий, войзалт да сообщений дене https://vk.com/yamde_lii адрес дене колто. Вучена! Конкурс 1-ше декабрь марте шуйна.



Артём АГАЧЕВ.
Марий Турек,
Сардаял.

Алфавит

Пенгыдемдыше пале –
Тыге маньт ты буквам.
Мут коклаште возалтеш –
«Пöрьен» мут келша тудлан.


Вес буква «Ы» маналтеш.
Тудо тыге возалтеш.
Ала мутымат палет?

«Ы»-лан «Ыр»
келшен толеш.
С.БЕССОНОВА.




ТУШТО
Тыгыде
пистер гоч лум
лумеш.

Тиде йонгылыш равенстве. Те тудым тöрлатышаш улыда, но тыгодым ик шырпымат тарваташ ок лий. Кузе тыге?



**Тыште мыняр кайык? Вашмутым онгыш
 возо да сүретым чиялте.**



Индекс: Марий Элыште,
Пошкырт ден Татарстан
кундемлаште - П4696.
Тираж 1150 экз. Заказ 2037.
Формат – А-4-8.
Директор-түн редактор
Л.В.Семенова.

УЧРЕДИТЕЛЬ-ВЛАК: Марий
Эл Республикысе культур, печат
да калык-влакын пашаш
шотышто министерстве, «Ямде
лий» газет» кугужаныш уни-
тарный казна предприятий.

Газетым Массовый коммуникаций
сферыште да культур наследиим арал-
ламаште законодательством шуктен шо-
гымым эскерше Федеральнй службн
Приволжский федеральный округысо управ-
ленийыштыже регистрироватлыме.
Номер – ПИ №ФС 18-1999,
2005 ий 10 февральыште пуымо.

Печатьыш пуымо жап – 14-00,
фактически – 13-00.

Авторын да редакцийн шоньма-
шышт түрлө лийын кертыт. Се-
рыш-влак мөнгеш огыт колталт.
Ак – кутырен келшыме почеш.

E-mail: yamde_lii@mari-el.ru,
yamde_lii@mail.ru
Сайтын адресше: yamde-lii.pro,
Тел. 8(8362) 45-22-82
(факс).

Газетым редакцийыште погмо
да верстатлыме, «СТРИНГ»
ИПФ ООО-што ямде оригинал-макет гыч
савыктыме. Типографийын адресше:
424006, Йошкар-Ола, Строитель урем, 95.

Газетым Печать да массовый
коммуникаций шотышто
Федерал агентствын окса
полшыж дене лукмо.

Редакцийн да издательнын адресше:
424006, Йошкар-Ола, СССР
Вооружённый Вийын
70-ше идалыкше урем, 20
(юридический)
Энерубал Амстердам, 1
(фактический).